



OPĆINSKI NAČELNIK

Broj: 01/2-04-716/26

Ilijaš, 23.03.2026. godine

Na osnovu člana 46. stav 4. Zakona o Budžetima u Federaciji BiH ("Službene novine FBiH" broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26), člana 12. Zakona o finansijskom upravljanju i kontroli u javnom sektoru u Federaciji BiH ("Službene novine Federacije BiH" br. 38/16), te tačke 23. a u vezi sa tačkom 25. Smjernica o minimalnim standardima dodjele budžetskih sredstava putem transfera i subvencija u Federaciji BiH ("Službene novine Federacije BiH" br. 37/24), te člana 107. Statuta Općine Ilijaš ("Službene novine Kantona Sarajevo" br. 20/09-prečišćeni tekst i 46/18) Općinski načelnik raspisuje:

JAVNI POZIV

**za prikupljanje zahtjeva udruženja i nevladinih organizacija
radi dodjele sredstava za finansiranje/sufinansiranje
iz Budžeta općine Ilijaš za 2026. godinu**

A/. Pozivaju se udruženja i nevladine organizacije, registrovane u skladu sa važećim propisima, sa sjedištem na području Općine Ilijaš da podnesu zahtjeve za projekte koji će se finansirati/sufinansirati iz sredstava Budžeta općine Ilijaš za 2026. godine u skladu sa slijedećim uslovima :

I. Udruženja i nevladine organizacije koja okupljaju boračku populaciju

Za stručnu i pravnu pomoć članstvu u ostvarivanju njihovih statusnih pitanja (administrativno tehničko lice, troškovi prostora, režijski troškovi, kancelarijski materijal)

- planirani nivo sredstava za raspodjelu 20.000 KM;
- najniži nivo sredstava koji može biti odobren po apliciranom projektu/programu 500,00 KM;
- maksimalan iznos sredstava koji može biti odobren po apliciranom projektu/programu 5.000,00 KM.

Napomena: Prihvatljivi troškovi projekata u skladu sa obrascem budžeta za boračka udruženja.

II. Udruženja i nevladine organizacije iz oblasti kulture

1. Unaprjeđenje kulturnih aktivnosti i oplemenjivanje kulturnog ambijenta na lokalnom nivou
2. Afirmacija i očuvanje tradicije i promocija kulturne baštine naroda Bosne i Hercegovine
3. Afirmacija muzičkih, likovnih, književnih i dramskih sadržaja i sl., posebno inovativni programi za mlade.
4. Projekti koji doprinose afirmaciji i očuvanju kulturno – historijskog naslijeđa
 - planirani nivo sredstava za raspodjelu 65.000 KM;
 - najniži nivo sredstava koji može biti odobren po apliciranom projektu/programu 1.000,00 KM;
 - maksimalan iznos sredstava koji može biti odobren po apliciranom projektu/programu 10.000,00 KM.

Napomena: Prihvatljivi troškovi projekata u skladu sa obrascem budžeta za kulturu.

III. Sport

1. Stvaranje materijalnih, prostornih, stručnih i organizacionih uslova za razvoj takmičarskog sporta;
2. Organizovanje takmičenja školske djece, za dječake i djevojčice sa težnjom na masovnosti;
3. Projekti koji doprinose jačanju i razvoju sporta i fizičke kulture i organizovanju sportskih takmičenja i manifestacija za koje je iskazan interes općine.

Planirani nivo sredstava za raspodjelu 245.000 KM koja se po namjeni raspoređuju za:

1. Takmičarski ekipni sportovi u iznosu od 120.000,00KM;
2. Ekipna takmičenja omladinskih selekcija u iznosu od 60.000,00KM;
3. Individualni sportovi u iznosu od 65.000,00KM.
 - Najniži nivo sredstava koji može biti odobren po apliciranom projektu/programu 1.000,00 KM;
 - maksimalan iznos sredstava koji može biti odobren po apliciranom projektu/programu 50.000,00 KM;

Napomena: Prihvatljivi troškovi projekata u skladu sa obrascem budžeta za sport.

B/. Prijava na javni poziv treba da sadrži:

1. Popunjen, potpisan i ovjeren aplikacioni obrazac čiji sastavni dio čini obrazac budžeta projekata (obrazac preuzeti na www.ilijas.ba ili općinskom Info pultu);
2. Rješenje o registraciji (ovjerena fotokopija);
3. Uvjerenje o poreskoj registraciji-identifikacijski broj (ovjerena fotokopija);
4. Uvjerenje o izmirenim poreskim obavezama (Poreska uprava) (original ili ovjerena fotokopija);
5. Ugovor s bankom o otvaranju transakcijskog računa ili potvrda o otvaranju transakcijskog računa (ovjerena fotokopija);
6. Broj registrovanih takmičara u 2026. godini (dokaz-revidirani spisak ne stariji od godinu dana, a za sportska udruženja potvrda matičnog saveza kod kojeg je klub registrovan za takmičenje o broju registrovanih takmičara (ovjerena fotokopija);
7. Obrazce godišnjeg obračuna za 2025. godinu, ovjerene od strane FIA ;
8. Kopiju Statuta za udruženja koja prvi put apliciraju za sredstva iz Budžeta Općine Ilijaš i za udruženja koja su u prethodnoj godini imala izmjene Statuta (ovjerena fotokopija);
9. Plan rada i finansijski plan za 2026.godinu sa Odlukom o usvajanju Plana od strane Upravnog odbora;
10. Izvještaj o radu i finansijski izvještaj za 2025.godinu sa Odlukom o usvajanju Izvještaja od strane Upravnog odbora;
11. Potvrdu resorne službe o urednom dostavljanju izvještaja o utrošku odobrenih sredstava iz Budžeta općine Ilijaš za 2025.g. (Komisija pribavlja po službenoj dužnosti od strane resorne službe);
12. Dokaz da je stručni rad u sportskoj organizaciji usklađen sa zakonskim odredbama, u skladu sa članom 18. i 33. Zakona o sportu-prečišćeni tekst ("Službene novine Kantona Sarajevo" broj: 45/12) (dokaz: diploma i trenerska licenca-ovjerena fotokopija);
13. Odluka o imenovanju odgovorne osobe za realizaciju projekta (dokaz-odluka);
14. Ovjerena izjava odgovorne osobe– sukob interesa (obrazac preuzeti na općinskom Info pultu);
15. Ovjerena izjava odgovorne osobe da manifestacija ili događaj nema komercijalni karakter (manifestacija ili događaj nemaju profit).

NAPOMENA :

Aplikacioni zahtjev sa svim priložima (obaveznom dokumentacijom) mora biti uvezan i svi listovi numerisani, u suprotnom zahtjev će se smatrati neispravnim.

Udruženja i nevladine organizacije koja apliciraju sa više projekata, u jednoj zapečaćenoj koverti dostavljaju jedan set obavezne dokumentacije, a za svaki naredni aplicirani projekat u posebnoj koverti dostavljaju pupunjen aplikacioni obrazac i obrazac budžeta. Na poledini koverta obavezno naznačiti naziv aplikanta, adresu i kontakt telefon ovjeren pečatom.

C/. Zahtjevi po javnom pozivu dostavljaju se u zapečaćenoj koverti na protokol Općine Ilijaš, ul.126 ilijaške brigade br.16, 71 380 Ilijaš sa naznakom "Prijava na Javni poziv za prikupljanje zahtjeva udruženja i nevladinih organizacija radi dodjele sredstava za finansiranje/sufinansiranje iz Budžeta općine Ilijaš za 2026.g. i naznakom oblasti" sa krajnjim rokom 13.04.2026.godine do 16:00 sati.

Javni poziv će biti objavljen na web stranici Općine Ilijaš, oglasnoj ploči Općine Ilijaš, zvaničnim društvenim mrežama Općine Ilijaš, a obavijest o objavljivanju konkursa će biti objavljena u Dnevnim novinama "Oslobođenje".

Neblagovremene aplikacije neće se uzeti u razmatranje.

D/. Projekti neće biti finansirani, ako :

1. nisu resornoj Službi dostavili izvještaj o utrošku sredstava iz Budžeta Općine Ilijaš za 2025.g. ;
2. imaju za cilj Sponzorisanje za sudjelovanje u radionicama, seminarima, konferencijama ;
3. obuhvataju rekonstrukciju i izgradnju objekata;
4. podržavaju na bilo koji način djelovanje političkih subjekata;
5. podrazumijeva upošljavanje lica;
6. plaćanje troškova zakupa kancelarijskog prostora;
7. se odnose isključivo na isplate naknada za rad predsjednika i podpredsjednika upravnog odbora, kao i drugih radnih tijela (komisije, i dr.) udruženja;
8. se odnose na troškove reprezentacije predsjednika i drugih funkcionera u udruženju;
9. imaju isključivi ili pretežno komercijalni karakter (događaj organizovan radi sticanja profita).

E./ Sukob interesa

1. Članovi komisije za dodjelu sredstava prije početka rada potpisuju izjavu o nepristrasnosti i povjerljivosti, te o nepostojanju sukoba interesa. Svaki član Komisije će biti isključen iz postupka dodjele ako se utvrdi da je u sukobu interesa u odnosu na podnosioca prijave, a podnosioci prijave imaju pravo prijaviti sumnju na postojanje sukoba interesa o kojim će davalac budžetskih sredstava odlučivati pojedinačno po svakoj prijavi.
2. Podnosioci prijave se obavezuju da uz prijavu na javni poziv dostave ovjerenu izjavu u kojoj će navesti da se odgovorno lice za zastupanje i predstavljanje Udruženja i interesno povezana lica ne nalaze u sukobu interesa u smislu odredbi Zakona o prevenciji suzbijanja korupcije u Kantonu Sarajevo ("Službene novine Kantona Sarajevo", br. 35/22).

F./ Kriteriji za ocjenu

U skladu sa Odlukom o izvršavanju budžeta Općine Ilijaš za 2026. godinu odabir projekata i programa za finansiranje će izvršiti Komisija za dodjelu sredstava imenovane od strane Općinskog načelnika, a u skladu sa sljedećim dokumentima :

1. Pravilnik o kriterijima, načinu i postupku raspodjele sredstava iz tekućeg granta „Transferi udruženjima građana – ratna udruženja“ koji se finansiraju sredstvima Budžeta općine Ilijaš;
2. Pravilnik o kriterijima, načinu i postupku raspodjele sredstava iz tekućeg granta za programe iz oblasti kulture koji se finansiraju i sufinansiraju sredstvima Budžeta općine Ilijaš broj: 07-40-730/13 od 11.04.2013 godine;
3. Pravilnik o kriterijima za finansiranje javnog interesa Općine Ilijaš u oblasti sporta broj: 01/2-07-40-2534/12 od 17.12.2012.godine;
4. Pravilnik o finansiranju/sufinansiranju takmičarskog procesa omladinskih selekcija i takmičara sportskih klubova sa područja Općine Ilijaš, (»Službene novine Kantona Sarajevo«, broj 29/25).

Sa odabranim aplikantima(korisnicima sredstava) sklopit će se ugovor o odobravanju sredstava za finansiranje programa ili projekata u roku od 15. dana od dana donošenja odluke o dodjeli budžetskih sredstava. Sastavni dio Ugovora je odobreni budžet projekta/programa.

Ukoliko nivo odobrenih sredstava traženih putem aplikacije je veći od iznosa iz aplikacije aplikanta, od aplikanta (korisnika sredstava) zatražit će se da naknadno dostavi korigovani budžet projekta/programa u skladu sa odobrenim nivoom sredstava, a prije potpisa ugovora.

O rezultatima po podnesenim aplikacijama učesnici će biti obaviješteni.

Kontakt : Služba za društvene djelatnosti i poslove mjesnih zajednica
– 033 580 690
Služba za opću upravu, boračko-invalidsku i socijalnu zaštitu
– 033 580 641

Obrađivač:
Sekretar Komisije
Mediha Dervišević, Mr. prava

Općinski načelnik
Amar Dovadžija



ul. 126 Ilijaške brigade br.16., 71380 Ilijaš

Tel. +387 33 580-690, fax 580-505,



certifikat:HR011161